

oneko erantzuna emon ahal izan deiogun, *eskatzen deusugu, Jauna*.

† Alkarren zerbitzari nahi gaituzun Jainko Aita: san Lorentzoren irakatsietan, egin gaizuz geu ere Elizearen eta pobreen maitale ta zerbitzari gartsu. Jesukristo gure Jaunaren bitartez. —Amen.

Amaieran

Lorentzo diakonu santua omentzeko egin dogun ezau-garri honek haren dohaietan iraunazo deigula: Elizea maitatzen eta behartsuekin ondasunak banatzen. Iragarri daigun hori mahaikide lez ere.

JAUNARTZEAN

**R/. Jauna dot Artzain, ez dot izango nik goserik;
hark emongo deust zer-jan onik.**

¹ *Neu naz zerurik lurrera jatsi dan ogia
Aitak danori eskeinia.*

² *Nire gorputza egiz dozue janaria
ta nire odola edaria.*

³ *Ogi hau jaten dauana beti da biziko,
hilterik ez dau ikusiko.*

¹ *Ogi hau jaten dauanak izango dau bizia.
Kaliz hontan aurkitzen da Jainko-odol guztia:*

R/. Hor dogu janaria ta hor gure edaria.

² *Jaungoikoak deitzen gaitu: bera dogu janari.
Beragan dogu aurkitzen osasuna ugari.*

R/. Zelan begiratzen deutson Jainkoak gizonari!

³ *Danok gaur jaten badogu ogi bat mahai batean
ezin izan gorrotorik gaurtik gure artean.*

R/. Alkar maitatu dagigun Jesusen izenean.

**San Lorentzo (Diakonoa / †258)
(Agorrilak 10)**



Sarrera-oharra (Ohargileak)

III. gizaldiko santu honek elizeagana-ko maitasuna erakusten deusku, po-breenganako zerbitzu-bizitza eta Kris-toganako maitasun ezin handiagoa. Ba ete dauka gaur egungo kristinauontzat zer esanik? Gure bizikera honetan zer esan leigu Lorentzok? Bizkortuko ete deusku sinismena? Irakatsiko ete deusku Elizea maitatzen eta zerbitzen? Emongo ete deusku pobreenganako be-giramena?

*Goazen guztiok batera
Jaunarekin egotera*

*Pozik alkartu gaitezen,
Jauna bait dugu laguntzen*

Lehen irakurgaiari **2 Kor 9, 6-10 (679)**

Zelan jokutzen dogu Jainkoagaz? Geure beharrianen ara-bera? Hau da: geuk behar dogunean deitzen deusogu, edo es-keintzen deusogu zeozer, edo joten dogu otoitzera? Begira ze aholku emoten deuskun Paulok.

San Paulo apostoluak Korintoarrei egindako bigarre-ne-tik

Senideok: Urri ereiten dauanak, urri batuko dau; ugari ereiten dauanak, ugari batuko dau. Emon bei bakotxak, bere bihotzean erabagi dauan neurrian; ez triste, ezta behartuta ere, Jainkoak emoile leiala maite dau-eta.

Eta ahaltsua da Jaungoikoa, zuokan grazia guztiak uga-ritzeko; guztietatik zeuontzat nahikoa dozuela, egintza on guztietarako ugari izan daizuen, idatzita dagoanez:


«Zabaltzen deutse ta emoten behartsuei;
beti irautekoa da haren esku zabala».

Ereiteko hazia eta jateko ogia emoten dauanak,
emongo deusue hazia, ugarituko dau zuek ereindakoa,
eta gehituko dauz ugari zuen maitasunezko emoitzak.

Jaunak esana

Salmoa (Ps 111 / 679)

*Jainkoaren bildur santuak hauxe esan nahi dau: beste-
entzako errukitsu izatea. Eta horixe goralduko dogu
salmo honen laguntzaz.*



R/. Zintzoen ondorengoa onetsia izango da

Dohatsu, Jaunaren bildur dan gizaia,
haren aginduak oso maite dauzana.
Ahaltsu izango da lurrean haren hazia,
zintzoen ondorengoa onetsia. R/.

Zorionekoa, errukitu eta emon egiten dauan gizaia,
bere gauzak zuzen atontzen dauzana.
Ez da kili-kolo ibiliko behin ere,
haren gomuteak iraungo dau beti ere. R/.

Barri txarrak ez dau bildurtzen,
bizkor dau bihotza Jaunagan itxaroten.
Sendo dauka bihotza bildur gabe,
bere arerioak lotsaz ikusi arte. R/.

Zabaltzen deutse eta emoten behartsuei,
(3)beti irautekoa da haren esku zabala,
(4)ospez jagiko da haren ahalmena. R/.

Ebanjelioa (Jn 12, 24-26 /679)

*Jainkoak gugandik nahi dauana meza-eskintza egitea
ete da? Ez ete da beste hauxe: bere Semeari entzun deio-
gula, eta esku zabalez erantzun daigula? Horixe egin
eban Lorentzok. Egin deiogun harrera on bat ebanjelio-
ari, Aleluia abestuz, zutunik.*

Eskariak

† Elizearen zerbitzari izan zan Lorentzoren eskutik egin dai-
guzan gaurko eskariak:

Eskatzen deusugu, Jauna /&/ AITA-AMA ZAITUGU-TA

—Elizearen alde: bere seme-alabek maite izan daien,
zerbitzatu daien, eta sortu daitezcan hainbeste behar di-
ran bokazinoak, eskatzen deusugu, Jauna.

—Eliztarren alde: sinismena landu ta gaurkotu daien,
eta beti bilatu daien Jainkoari eskuzabaltasunez erantz-
tea, eskatzen deusugu, Jauna.

—Bizitza gero ta erosoago ta hobeago baten atzean ga-
bizenok gure ingurura ere begiratu daigun, eta gogoan
hartu daiguzan bizitza hobeago bat bilatzen gure artera
datozanak, eskatzen deusugu, Jauna.

—Argi izan daigun banantzeko dirala ondasunak, eta
bilatu daigun «Caritas»egaz eten bako konpromisua iza-
tea eta gure ondasunak alkarbanantzea, eskatzen deu-
sugu, Jauna.

—Eukaristia hau ospatzeko alkartu garan guztion alde:
Jainkoari non eta zelan entzun ikasi daigun, eta esker